

aab

Mahathir - Gulung (Raja)

KUALA LUMPUR, 2 Dis (Bernama) -- Datuk Seri Dr Mahathir Mohamad hari ini berkata Raja-raja perlu mengasingkan diri daripada politik demi untuk menjamin kesinambungan sistem Raja Berperlembagaan dan Demokrasi Berparlimen yang diamatkan di negara ini.

Perdana Menteri berkata walaupun Perlembagaan dan mana-mana undang-undang dalam negara ini tidak secara khusus melarang raja untuk berpolitik, kefahaman mengenai perkara itu oleh semua pihak amatlah penting.

Ketika berucap menggulung perbahasan pada Perhimpunan Agung Umno di sini petang ini, Presiden Umno itu mengambil masa yang panjang untuk menghuraikan konsep Raja Berperlembagaan dan Demokrasi Berperlembagaan.

Katanya, walaupun negara ini mempunyai Perlembagaan bertulis dan pelbagai undang-undang yang menjelaskan kedudukan raja-raja dan hak-hak rakyat, Perlembagaan tidak mempunyai Fasal yang khusus yang menyebut bahawa Malaysia mengamalkan sistem Raja Berperlembagaan dan Demokrasi Berparlimen.

+Tetapi peruntukan tertentu dalam Perlembagaan dan undang-undang memberi kefahaman bahawa raja di Malaysia adalah Raja Berperlembagaan dan sistem pemerintahan adalah menurut sistem Demokrasi Berparlimen,+ katanya.
-- Lagi

♥02/12/19-12MST

aab

Mahathir - Gulung (Raja) 2 Kuala Lumpur

Katanya, dalam mana-mana negara pun, tidak ada sistem undang-undang yang sebegitu lengkap hingga setiap pihak tahu apa yang boleh dan apa yang tidak boleh dibuat.

+Jika apa yang tidak dilarang secara khusus bermakna dibenar, maka raja dibenar berpolitik, bahkan mengundi dan menjadi wakil rakyat, Menteri Besar dan Perdana Menteri dalam sistem Demokrasi Berparlimen.

+Hanya yang ditegah dalam Perlembagaan secara khusus bagi raja-raja ialah memegang jawatan yang bergaji dan berniaga,+ katanya.

Tetapi, jika raja berpolitik dalam sistem demokrasi, maka raja boleh dicabar dan digugurkan, dan menurut Datuk Seri Dr Mahathir, +Jika ini boleh dibuat, maka raja sudah tidak menjadi raja lagi dalam erfikata biasa+.

Sebaliknya, di Malaysia rakyat menerima dan ingin kekalkan raja yang tidak boleh disingkirkan oleh rakyat, katanya.

Perdana Menteri berkata, walaupun tidak ada larangan khusus dalam undang-undang supaya raja tidak berpolitik, demi kesinambungan sistem Beraja, penyertaan raja dalam politik bercanggah dengan sistem Raja Berperlembagaan dan Demokrasi Berparlimen. -- Lagi

♥02/12/19-17MST

aab

Mahathir - Gulung (Raja) 3 Kuala Lumpur

Datuk Seri Dr Mahathir berkata, pengetahuan sistem Raja Berperlembagaan dan Demokrasi Berparlimen memerlukan semua pihak mematuhi kepada bukan sahaja undang-undang yang bertulis tetapi juga kefahaman tentang konsep, semangat dan tradisi yang tidak ditulis.

Katanya, dalam keadaan teguran sukar dibuat, dan reaksi terhadap sesuatu yang menyimpang daripada peraturan-peraturan tidak boleh ditunjukkan dengan jelas, maka amat sukar bagi menyakinkan pihak berkenaan betapa seriusnya keadaan.

Mengikut Akta Hasutan 1948, sebarang tindakan atau ucapan yang mempunyai kecenderungan hasutan terhadap seorang raja boleh ditafsir sebagai hasutan.

+Sama ada sesuatu itu mempunyai kecenderungan menghasut atau tidak, terpulang kepada mahkamah untuk membuat penilaian dan hukuman. Oleh kerana takut kepada tindakan undang-undang, maka perasaan kegelisahan mungkin dibendung dan tidak dinyatakan,+ katanya.

Datuk Seri Dr Mahathir berkata oleh kerana tidak terdapat bukti yang jelas berkenaan kegelisahan yang melanda rakyat, maka perbuatan yang menimbulkan kegelisahan ini akan diteruskan dan mungkin meningkat. -- Lagi

♥02/12/19-24MST

J GB 02-12 00165 BA684

aab

Mahathir - Gulung (Raja) 4 Kuala Lumpur

Dengan itu, semakin lama semakin kuat perasaan kegelisahan sehingga ia meluap dan dengan tiba-tiba meletup. Pada ketika itu agak terlewat untuk menyekatnya.

Inilah yang berlaku kepada beberapa masyarakat yang mengongkong pemikiran rakyat sehingga tiba-tiba tanpa apa-apa alamat, pemberontakan berlaku, kata Perdana Menteri.

Beliau berkata Akta Hasutan juga melarang orang ramai daripada kecenderungan menghasut+ bukan sahaja terhadap raja tetapi juga terhadap kerajaan, dan menambah: +Tetapi kerajaan bersikap terbuka kepada teguran terhadapnya+.

Kerajaan, katanya, jarang kali mendakwa ke mahkamah sesiapa di bawah Akta Hasutan walaupun banyak dan kerapnya tuduhan dilempar terhadap kerajaan oleh individu, kumpulan dan media yang boleh menimbulkan perasaan benci di kalangan rakyat terhadap kerajaan iaitu mempunyai kecenderungan menghasut.

+Tuduhan yang tidak berasas kononnya kerajaan terlibat dalam rasuah, sudah tentu mendorong rakyat benci dan ingin menjatuhkan kerajaan, tetapi kerajaan sekarang tidak mengguna akta tersebut untuk menyelamatkan diri,+ kata Datuk Seri Dr Mahathir. -- Lagi.

02/12/19-38MST

NS5101

GB 02-12 00174 BA685

ab

Mahathir - Gulung (Raja) 5 Kuala Lumpur

Datuk Seri Dr Mahathir berkata hanya apabila tuduhan-tuduhan ini jelas kan mencetuskan rusuhan dan huru-hara barulah kerajaan mengambil tindakan.

Katanya, walaupun kerajaan boleh menggunakan Akta Hasutan untuk menutup mulut dan membendung sebarang kegiatan yang boleh timbul sebarang kebencian kepada kerajaan tetapi ia enggan menggunakan akta itu untuk berbuat demikian.

+Sebabnya ialah kerajaan perlu menyedari akan perasaan rakyat dan kritikan rakyat terhadapnya. Jika tidak ada langsung kritikan kepada kerajaan, maka apa juga kesalahan yang dibuat oleh kerajaan akan diteruskan,+ katanya.

Beliau berkata dengan itu, perasaan dan kebencian rakyat terhadap kerajaan akan meningkat sehingga pada satu hari, ia tidak dapat dikawal lagi dan akan menyebabkan pemberontakan untuk menjatuhkan kerajaan.

+Justeru itu, walaupun ada Akta Hasutan, rakyat mestilah diberi kebebasan menegur dan teguran ini hendaklah dibuat dengan cara yang jelas.

+Jika hanya satu dua orang tertentu sahaja membuat teguran, ini mungkin dianggap sebagai pendapat mereka ini sahaja dan bukan pendapat rakyat umum,+ katanya. -- Lagi.

02/12/19-40MST

GB 02-12 00146 BA686

ab

Mahathir - Gulung (Raja) 6 Kuala Lumpur

Rakyat, dan sudah tentu ahli-ahli Umno, mestilah diberi peluang untuk enyuarakan secara terbuka akan apa-apa yang terbuku di hati mereka tanpa isekat terlalu sangat oleh Akta Hasutan, katanya.

Perdana Menteri berkata dalam Perlembagaan Persekutuan dan undang-undang Malaysia, Raja adalah bebas daripada tindakan undang-undang mengikut peruntukan Artikel 181 (2):

+Tiada apa-apa perbicaraan boleh dibawa dalam mana-mana mahkamah terhadap Raja bagi sesuatu negeri atas sifat dirinya sendiri+.

Namun, katanya, tidak bermakna bahawa raja bebas membuat secara sesuka hati. Kebebasan itu juga terhad mengikut kefahaman yang tidak bertulis.

Kebebasan tidak bermakna raja boleh mencuri atau membunuh atau melakukan berbagai-bagai jenayah yang ditegah bagi rakyat.

Apabila kebebasan daripada tindakan undang-undang diperuntukkan, kepercayaan ialah raja tidak akan sengaja dan secara keterlaluan melakukan sesuatu yang dilarang oleh undang-undang. -- Lagi.

02/12/19-42MST

U GB 02-12 00184 BH627

aab

Mahathir - Gulung (Raja) 7 Kuala Lumpur

Katanya mungkin +sekali dua+ pelanggaran undang-undang dilakukan, masyarakat akan menutup mata, tetapi jika dengan sengaja dan berkali-kali pencabulan undang-undang dibuat, masyarakat tidak akan menerimanya.

Datuk Seri Dr Mahathir berkata, kadang-kadang yang melakukan kesalahan bukan sahaja raja yang memerintah tetapi keluarga diraja. +Oleh kerana menghormati raja, maka kerap kali kesalahan ini dibiarkan begitu sahaja.+

Tetapi sikap yang ditunjukkan ini amatlah bahaya kerana perasaan yang dibangkitkan tidak dituju kepada anggota keluarga berkenaan sahaja tetapi juga kepada raja. Secara langsung, imej raja terjejas, katanya.

Menurut beliau, sedikit sebanyak raja mempunyai pengaruh dan ada sahaja orang yang ingin menggunakan pengaruh itu.

Oleh itu, jika ada sesiapa yang menegur raja demi memelihara kedudukan raja, ada pula orang yang akan cuba mengambil kesempatan untuk menimbulkan kebencian raja kepada orang yang menegur, katanya.

Dalam arena politik, jika pihak yang bertanggungjawab menasihati raja cuba menegur raja, maka ini mungkin digunakan oleh musuh politik yang menegur untuk mendapat sokongan dan simpati raja dengan tujuan menggunakan pengaruh raja dalam arena politik. -- Lagi

♥02/12/20-22MST

CNS5122
U GB 02-12 00212 BH628
aab

Mahathir - Gulung (Raja) 8 Kuala Lumpur

Datuk Seri Dr Mahathir berkata, oleh kerana risiko ini, maka mereka yang harus menasihati raja tidak memberi nasihat yang diperlukan. Dengan ini, raja tidak akan sedar tentang perasaan rakyat terhadap perbuatannya dan sekali lagi ini boleh menyebabkan raja tidak menghentikan perbuatan itu.

Dengan itu, walaupun Akta Hasutan dan adat menghalang rakyat daripada bertindak, perasaan marah rakyat tetap akan meningkat, katanya, sambil menyebut bahawa akhirnya, ini mungkin membawa kepada tindakan untuk menghapuskan sistem beraja.

Sambil melafazkan pepatah Melayu +kerana nila setitik, rosak susu se belanga+, beliau berkata kerana nila setitik itulah maka perhimpunan agung Umno kali ini terpaksa membahas usul Raja dan Perlembagaan.

+Tujuan kita membahas secara terbuka tentang pencabulan sistem Raja Berperlembagaan dan Demokrasi Berparlimen di Kelantan bukanlah untuk menukar sistem beraja di negeri itu atau untuk mengadakan revolusi.

+Niat dan tujuan kita ialah untuk memperingati pihak tertentu awal-awal lagi, akan penyelewengan yang telah berlaku dan bahayanya penyelewengan ini.

+Kita yakin jika tidak ditegur, maka pihak berkenaan akan meneruskan perbuatannya dan ini mungkin akan menyebabkan teguran yang lebih keras yang akan memburukkan suasana, atau ia mungkin akan menyebabkan tindakan oleh pihak-pihak yang terkilan, yang tidak boleh dibendung dengan mudah. -- Lag

♥02/12/20-23MST

CNS5128
U GB 02-12 00210 BH629
aab

Mahathir - Gulung (Raja) 9 Kuala Lumpur

+Matlamat terakhir dan sebenar perbincangan kita ialah untuk menyelamatkan sistem Raja Berperlembagaan di Malaysia. Perlembagaan dan undang-undang sahaja tidak boleh menyelamatkan apa juga sistem kerajaan di mana-mana jua.

+Yang boleh menyelamatkan sesuatu sistem itu ialah hasil yang baik, yang datang daripada amalannya, dan sokongan rakyat yang berterusan kepada sistem tersebut,+ katanya.

Datuk Seri Dr Mahathir berkata dalam sejarah Umno selepas Merdeka, soal-soal yang berkaitan dengan raja-raja tidak pernah dibahas kerana sistem Raja Berperlembagaan dan Demokrasi Berparlimen tidak pernah dicabu oleh sesiapa.

Selama 33 tahun Malaysia merdeka, sistem ini telah berjalan dengan baik walaupun ada krisis Perlembagaan pada 1983, tetapi Umno tidak membahas perkara-perkara yang menyentuh raja-raja walaupun pada masa itu perasaan tidak senang didapati di dalam mahu pun di luar parti Umno.

Beliau seterusnya menyingkap sejarah sistem beraja di negara ini bermula dari zaman feudal sebelum penjajahan sehingga penubuhan Malayan Union, yang menurutnya, negeri-negeri Melayu sentiasa lemah dan keadaan politik jarang stabil.

Rancangan Malayan Union yang menghadkan kuasa raja-raja Melayu sebagai Ketua Agama Islam dan Adat Istiadat ditentang oleh orang Melayu sehingga British akhirnya membatalkan rancangan itu dan menggantikan dengan Persekutuan Tanah Melayu, katanya. -- Lagi

aab

Mahathir - Gulung (Raja) 10 Kuala Lumpur

Dengan perubahan ini, kedudukan raja-raja berbalik semula seperti kepada keadaan sebelum Jepun melanggar Tanah Melayu dan raja-raja tidak terlibat secara langsung dengan pentadbiran yang terletak di bawah Majlis Perundangan manakala Pesuruhjaya Tinggi British mengetuai sebuah Majlis Eksekutif yang berkuasa penuh.

+Adalah jelas bahawa orang Melayu melalui Umno telah berjuang untuk mengembalikan kedudukan raja-raja yang telah hilang setelah ditandatangani perjanjian Malayan Union,+ katanya.

Selepas Merdeka, tidak ada niat sama sekali bagi Umno untuk menghapuskan sistem beraja, yang diperjuangkan hanyalah bagaimana bagi mengekalkan raja-raja tanpa menyetepikan demokrasi, katanya.

Dengan itu, dibentuklah sistem Raja Berperlembagaan dan Demokrasi Berparlimen dengan sistem Raja Berperlembagaan British dijadikan contoh, katanya.

Datuk Seri Dr Mahathir berkata, Raja Berperlembagaan, seperti konsep British tidak terlibat secara langsung dengan pemerintahan tetapi raja mempunyai peranan-peranan tertentu. — Lagi

♥02/12/20-51MST

aab

Mahathir - Gulung (Raja) 11 Kuala Lumpur

Perdana Menteri berkata dalam sistem Raja Berperlembagaan di Malaysia, raja bertindak atas nasihat ketua eksekutif yang dipilih oleh rakyat, melainkan berkenaan dengan pembubaran Parlimen dan pemilihan ketua eksekutif itu sendiri, selain daripada perkara-perkara mengenai agama Islam dan adat istiadat Melayu.

Dalam pemilihan ketua eksekutif, raja tertakluk juga kepada pendirian wakil-wakil rakyat dalam Parlimen. Jika raja memilih seseorang yang tidak mendapat sokongan majoriti wakil rakyat, ia mungkin dijatuhkan melalui undi tidak percaya.

Justeru itu, katanya, ketua eksekutif, sama ada Menteri Besar atau Perdana Menteri mestilah terdiri daripada seorang wakil rakyat yang mendapat sokongan daripada majoriti wakil rakyat.

Biasanya pucuk pimpinan parti yang mendapat majoriti dalam pilihan raya adalah orang yang lebih mungkin mendapat sokongan daripada majoriti wakil rakyat, katanya.

Perdana Menteri berkata jika ia tidak dipilih dan sebarang wakil rakyat yang lain dipilih oleh raja, walaupun ia telah mengangkat sumpah jawatan, ia akan jatuh apabila sahaja dewan bersidang dan undi tidak percaya dibua

+Dengan perkataan lain, walaupun raja boleh melantik ketua eksekutif kerajaan, perlantikan ini tertakluk kepada pendirian wakil-wakil rakyat yang dipilih dalam pilihan raya,+ katanya. — Bernama

♥02/12/20-52MST